

Headline	SMKT Melaka johan Let's Voice Out		
MediaTitle	Berita Harian		
Date	15 Nov 2013	Color	Full Color
Section	Nasional	Circulation	192,982
Page No	24	Readership	1,521,000
Language	Malay	ArticleSize	331 cm <sup>2</sup>
Journalist	Muhammad Yusri Muzamir	AdValue	RM 11,163
Frequency	Daily	PR Value	RM 33,489



# SMKT Melaka johan 'Let's Voice Out'

» SRK Seri  
Saujana,  
Johor juara  
kategori rendah

Oleh Muhammad Yusri  
Muzamir

► Petaling Jaya

**S**ekolah Menengah Kebangsaan Tinggi (SMKT) Melaka muncul juara kategori menengah pertandingan Bicara Berirama Kelab Taha 'Let's Voice Out' 2014 anjuran Lembaga Tabung Haji (Tabung Haji) dan BH di sini, semalam.

Dengan kemenangan itu, SMKT Melaka membawa pulang hadiah wang tunai RM4,000 serta hamper.

Sekolah Menengah Kebangsaan (SMK) Seksyen 9, Shah Alam, Selangor muncul naib juara, manakala Sekolah Menengah Raja Perempuan Kelsom, Kuala Kangsar, Perak di tempat ketiga. Mereka masing-masing menerima

hadiah wang tunai RM3,000 dan RM2,000 serta hamper.

**Hadiah RM4,000**

Bagi kategori rendah, Sekolah Rendah Kebangsaan (SRK) Seri Saujana, Johor muncul juara, sekali gus membawa pulang hadiah wang tunai RM4,000 serta hamper.

Tempat kedua dan ketiga kategori rendah masing-masing diraih oleh SRK Bukit Bintang, Kota Tinggi, Johor dan SRK Sultan Ibrahim 2, Pasir Mas, Kelantan, yang masing-masing memperolehi wang tunai RM3,000 dan RM2,000 serta hamper.

Dalam pertandingan yang diadakan sempena Jubli Emas penubuhan Tabung Haji itu, sebanyak lima sekolah menyertai masing-masing kategori menengah dan rendah.

Hadiah kepada pemenang disampaikan oleh Ketua Pegawai Operasi Tabung Haji, Datuk Seri Kamarudin Mat Ali.

Turut hadir, Timbalan Pengarah Bahagian Pengurusan, Kementerian Pendidikan Malaysia, Dr Jamil Adimin; Pengurus Besar Bahagian Khidmat Pelanggan Tabung Haji, Mohd Saimi Mat Som dan Pengarang Eksekutif Rencana BH, Zainor Said.

Dalam ucapannya pada majlis itu, Kamarudin berkata, program seperti itu dapat membantu mengetengahkan bakat pelajar, selain mengasah kemahiran insaniah mereka.

Katanya, bersandarkan sambutan yang menggalakkan, penajangan program yang julung kali diadakan ini bakal diteruskan pada masa depan.

"Pemilihan peserta pertandingan akhir hari ini bermula sejak November lalu dan mereka terpilih beberapa sekolah yang sudah disenarai pendek sebelum itu," katanya.

Headline	SMKT Melaka johan Let's Voice Out		
MediaTitle	Berita Harian		
Date	15 Nov 2013	Color	Full Color
Section	Nasional	Circulation	192,982
Page No	24	Readership	1,521,000
Language	Malay	ArticleSize	331 cm <sup>2</sup>
Journalist	Muhammad Yusri Muzamir	AdValue	RM 11,163
Frequency	Daily	PR Value	RM 33,489



Kamarudin (tiga dari kanan) bersama Jamil dan Zainor (kanan) **bergambar bersama pelajar** Sekolah Menengah Kebangsaan Tinggi Melaka, Melaka di Kelana Jaya, semalam. [FOTO NURUL SHAFINA JEMENON/BH]